

Disko Bugtimi qassusersorluni inuussutissarsiutigalugu aalisarneq pillugu Avannaata Kommunanut ileqqoreqqusaq

Aalisarneq pillugu Inatsisartut inatsisaat nr. 29, 23. maaji 2024-imeersumi § 46, imm. 2, § 68, imm. 2 aamma § 71, imm. 4 malillugit aalajangiunneqarput:

Atuuffia

§ 1. Qeqertarsuup Tunuani, 68° 52,5'N-ip avannaani, aamma 70° 30'V-ip kujataani sineriammit sumiiffiusumi, aamma aalisartoqarfimmut tunngavigisatut killingisat avataanni sœmilit pingasut tikillugit nassuiarneqartut kangerlunnilu tamaaniittuni qaleralinniarluni saarullinniarlunilu inuussutissarsiutigalugu aalisarnermut ileqqoreqqusaq atuuppoq.

Inuussutissarsiutigalugu qaleralinnut qassusersorluni aalisarneq

§ 2. Taamaallaat qaammatini januaarimi, februaarimi, marsimi, apriliimi aamma maajimi ilanngussani taamaallaat sumiiffiit nalunaarsukkat avataanni inuussutissarsiutigisatut qassusersorluni qaleralinniartoqaqqaavoq.

§ 3. Inuussutissarsiutigisatut qassusersorluni qaleralinniarnermi akuersissutinik piginnittut ataasiakkaat qassutit qaleralinniutit atorsinnaavaat, taakkulu tamakkerlutik 950 meterit takinerpaamik annertussuseqassapput.

Qassusersorluni saarullinniarneq

§ 4. Ilanngussaq 1-imi taamaallaat sumiiffiit nalunaarsukkat avataanni qassusersorluni saarullinniartoqaqqaavoq.

Ataatsimoorussatut aalajangersakkat

§ 5. Inuussutissarsiutigisatut qassusersorluni aalisarnermi qassutit isui tamarmik nalunaaqutsersuutitut puttaquteqassapput.

Imm. 2. Angallatit 8,53 meter l.o.a.-mit takinerusut nalunaaqutsersuutitut puttaqutini minnerpaamik allunaamik 10 mm-imik peqassapput.

Imm. 3. Angallatit 8,53 meter l.o.a. inorlugu takissusillit nalunaaqutsersuutitut puttaqutini minnerpaamik allunaamik 8 mm-imik peqassapput.

Imm. 4. Aalisartut sikumi aalisartuusut nalunaaqutsersuutitut puttaqutsini minnerpaamik allunaamik 6 mm-imik peqassapput.

Imm. 5. Pissutsit tamatuminnga pisinnaatitaqartillugit qassutit ivertinnerisa kingornatigut nal. akunnerisa 24-t iluanni qaqeqqinneqassapput. Qassutit salinneqareerpata atornissaannullu piareerpata qassut aqqaqqinneqarsinnaapput

§ 6. Qassutit annaasat erninnaartumik piginnittumit qaqinneqassapput. Aalisarnerup teknikikut iluarsartuussivigineqarnera pillugu Namminersorlutik Oqartussat nalunaarutaanni §§ 25-29 innersuussutigineqarput.

§ 7. Ukiuunerani sikoqarnerata qassusersorluni aalisarneq ajornartorsiortissappagu najugarisami peqatigiiffinni tusarniaaernergimut qassusersorluni aalisarneq kommunalbestyrelsip matusiffigisinnaavaa.

Pineqaatissiissutit

§ 9. §§ 2-6-imik unioqqutitsinerit Kalaallit Nunaanni Pinerluttulerinermut inatsit naapertorlugu akiligassinneqarnermik arsaarinnissuteqarnermillu kinguneqartinneqarsinnaapput.

Stk. 2. Unioqqutitsineq inatsisitigut akisussaassusiligaasumit unioqqutitsineruppat unioqqutitsisoq, Kalaallit Nunaanni pinerluttulerinermik inatsit malillugu, akiligassinneqarsinnaavoq arsaarinnissuteqarfigineqarsinnaallunilu.

Atuutilernera

§ 10. Ileqqoreqqusaq una 15. januar 2026 atuutilerpoq.

Stk. 2. Taamaalinerani atorunnaarsinneqarput

1) Qeqertarsuup Tunuani aqutsiveqarfimmi qaleralinnik saarullinnillu qassusersorluni inuussutissarsiutigalugu aalisarneq pillugu Avannaata Kommunianut ileqqoreqqusaq nr. 5, 4. decembari 2020-imeersoq.

2) Qaasuitsup Kommuniani bundgarnersorneq pillugu ileqqoreqqusaq nr. 4, 12. februaari 2015-imeersoq.

Taamatut ulloq 23. december 2025-mi Avannaata Kommuniani kommunalbestyrelsimit akuersissutigineqarpoq.



Lars Erik Gabrielsen
Borgmesteri

Avannaata Kommuniani inuussutissarsiutigalugu qassuserluni aalisarneq pillugu ileqqoreqqusaa aalajangersarneqarpoq.

Namminersorlutik Oqartussat ulloq 30. december 2025

Peter Borg

Aalisarnermut, Piniarnermut, Nunalerinermut Imminullu Pilersornermut Naalakkersuisoq

Ilanngussaq 1

Sumiiffiit makku iluini inuussutissarsiutigalugu qassusersorluni aalisarneq inerteqqutaavoq:

Ilulissat – Eqi avataalu

1. Nuuaarsuk	69°13'52.0"N	51°07'04.2"W
2.	69°13'52.0"N	51°11'50.0"W
3.	69°08'09.0"N	51°11'50.0"W
4. Eqi	69°08'09.0"N	51°05'57.4"W

Torsukatta Ilulissat avannaanni:

1. Niaqornaq	69°55'11.5"N	51°27'31.6"W
2. Inussuk	69°58'08.9"N	51°28'49.8"W
3. Sammisunnguaq	69°53'45.3"N	50°47'57.2"W
4. Qeqertakassaap saqqaa	69°54'38.8"N	50°46'58.8"W
5. Ilerfit	69°55'11.4"N	50°39'42.4"W
6. Anap nuua	69°55'19.0"N	50°36'44.6"W
7. Taseraarsuk	69°59'57.2"N	51°21'51.7"W
8. Illorsuit	69°58'53.9"N	51°12'07.9"W

Immap assingani takussutissat

- Ilulissat eqqaa
- Torsukattak

Nunap assinganik ilanngussat missingersuutaannaapput. Naapertuuttoqartinnagu allorniusanut tukimukartunut sanimukartunullu siuliani allassimasutut naleqqerfiit atuutissapput.